

दिनांक 14.10.2025

समय: 18.45 बजे

आकाशवाणी जयपुर—अजमेर
प्रादेशिक समाचार

- जैसलमेर जिला मांय आज एक गैर—सरकारी बस मांय लाय लाग जावण ऊं केई लोग झुलस्या— मुख्यमंत्री भजनलाल शर्मा जैसलमेर रवाना व्हायं
- केन्द्रीय संस्कृति अर पर्यटन मंत्री गजेन्द्र सिंह शेखावत कह्यो—पर्यटन हलको देश री सांस्कृतिक छवि ने दुनिया सामी मजबूती ऊं पेश करे हैं
- गृहमंत्री अमित शाह राष्ट्रीय सुरक्ष गार्ड—एनएसजी ने देश मांय संगठित अपराध अर आतंकवाद रो सामो करण मांय अगाड़ी बतायों
- देश मांय चालू माली साल मांय प्रत्यक्ष कर संग्रह 6 दशमलव तीन—तीन फीसदी बध्यों

000

जैसलमेर जिला मांय जोधपुर हाईवे माथे थइयात हलका मांय आज एक गैर—सरकारी बस मांय लाय लाग जावण रे कारण केई लोगां रे झुलस जावण रा समाचार हैं म्हाणा जैसलमेर खबरनवीस बतायो के जिला प्रशासन रा अहलकार तुरत मौके पूग र राहत रा काम सुरू करायां

राज्यपाल हरिभाऊ बागडे हादसा माथे गहरो दुःख जतायो हैं मुख्यमंत्री भजनलाल शर्मा हादसा माथे गहरो दुःख जतायों वे अहलकारां सागे बातचीत कर र हादसा री जाणकारी लीनी अर ज़रूरी हुकम दीनां हादसा री गंभीरता ने ध्यान राखता थकां मुख्यमंत्री जैसलमेर जा रह्या हैं उपमुख्यमंत्री दिया कुमारी ई हादसा माथे गहरो दुःख जतायो हैं विधानसभा मांय विपक्ष रा नेता टीकाराम जूली ई हादसा माथे दुःख जतायो हैं

000

केंद्रीय संस्कृति अर पर्यटन मंत्री गजेन्द्र सिंह शेखावत कह्यो है के सैर—सपाटो न केवल नौकरी—धंधा अर माली व्यवस्था ने मजबूत बणावे है बल्कि भारत री सांस्कृतिक छवि ने दुनिया ताई पूगावे हैं वे आज उदयपुर मांय सुरू व्ही दो दिन री नेशनल टूरिज्म कॉन्फ्रेंस रा उद्घाटन सत्र मांय बोल रह्या हां श्री शेखावत कह्यो के ओ सम्मेलन विचारां ने एक—दूजा ने बतावण रो बेहतरीन मौको है, जिण ऊं राज्यां ने नवाचारी पर्यटन मॉडल सीखण मांय मदद मिलेलां

कॉन्फ्रेंस मांय चौबीस ऊं बत्ता राज्यां रा पर्यटन मंत्री अर आला अहलकार शामिल व्हे रह्या हैं

000

बारां जिला रा अंता विधानसभा सीट ऊं उपचुनाव सारू आज दो पर्चा दाखिल करी ज्यां नरेश मीणा अर धरमवीर निर्दलीय उम्मीदवार रा तौर ऊं नामपाना दाखिल कीनां ई सीट माथे उपचुनाव सारू हाल ताई तीन उम्मीदवार पर्चा दाखिल कीना हैं नामपाना 20 अक्टूबर ताई दाखिल कर्या जा सके हैं ई बीचे निर्वाचन आयोग सियासी विज्ञापनां सारू वां ने पैली प्रमाणित करावणो ज़रूरी कर दीनां हैं राज्य रा मुख्य निर्वाचन अधिकारी नवीन महाजन बतायो के पार्टियां अर उम्मीदवारां ने सोशल मीडिया समेत किण ई इलेक्ट्रॉनिक माध्यम रे जरिये विज्ञापन देवण ऊं पैली मीडिया प्रमाणन अर निगराणी समिति री मंजूरी लेवणी व्हेलां

आयोग रे मुजब उम्मीदवारां ने पर्चा दाखिल करती बगत वां रा सगळा सोशल मीडिया खातां री जाणकारी ई देवणी व्हेलां

000

श्रीयादे माटी कला बोर्ड प्रदेश रा माटी कलाकारां ने आखा साल काम—धंधो मुहैया करावण सारू आवता दिनां केई खास प्रस्ताव लागू करेलां बोर्ड रा अध्यक्ष प्रहलाद राय टांक आज जयपुर मांय खबरनवीसां ने आ जाणकारी दीनीं वे बतायो के बोर्ड कलाकारां ने सिखावण दे र नुवी तकनीक रा बिजली ऊं चालण वाळा चाक अर मिट्टी गूंथबा री मशीनां मुहैया करा रह्यो हैं टांक बतायो के खुद रा काम—धंधा ने बधावो देवण सारू मिट्टी ऊं बण्या सामान बिक्री सारू खादी भंडारां माथे ई मुहैया करावण री कोशिश करी जा रही हैं माटी कलाकारां ने बधावो देवण सारू बोर्ड री ओर ऊं पहली दफा राज्य स्तर रो **‘माटी का लाल’** पुरस्कार समारोह ई राख्यो जावेलां वे रेलवे टेशन री भांत बस स्टैंड माथे कुल्हड़ काम लेवण ने बधावो देवण सारू ई कह्यो

000

गृहमंत्री अमित शाह कह्यो है के प्रधानमंत्री नरेन्द्र मोदी री अगुवाई मांय सरकार आतंकवाद ने बिल्कुल बर्दाश्त नी करण री नीति अपनायी हैं वे हरियाणा रा मानेसर मांय राष्ट्रीय सुरक्षा गार्ड—एनएसजी रा 41वां स्थापना दिवस रे मौके राख्यी ज्या कार्यक्रम मांय बोल रह्या हां श्री शाह कह्यो के एनएसजी देश मांय संगठित अपराध अर आतंकवाद रे खिलाफ कार्रवाई मांय अगाड़ी रह्यो हैं गृहमंत्री विशेष अभियान प्रशिक्षण केंद्र बणावण रा काम री नींव ई रखीं ई मौके वे कह्यो के ओ केंद्र आतंकवाद रो सामो करण सारू आला दर्जा री सिखावण देवेलां

.....

000

चालू माली साल मांय प्रत्यक्ष कर संग्रह 6 दशमलव तीन—तीन फीसदी बध र 11 लाख 89 हजार करोड़ रुपया ऊं बत्तो व्हे ग्यो हैं आयकर विभाग रे मुजब ई साल एक अप्रैल ऊं 12 अक्टूबर ताई कम्पनियां ऊं करीब 5 लाख 2 हजार करोड़ रुपया इन्कम टैक्स रा तौर ऊं मिल्या जदके लारला साल इण ई अवधि मांय 4 लाख 29 हजार करोड़ रुपया भेळा व्ह्या हां

000

चूरु ज़िला रा तालछापर कृष्ण मृग अभ्यारण्य मांय परदेशी परिन्दा कुरजां आवण लाग्या हैं कज़ाखस्तान अर मंगोलिया सरीखा बर्फीला देशां ऊं हर साल अ प्रवासी परिन्दा आवे हैं म्हाणा खबरनवीस बतायो के सामान्य तौर ऊं अ परिन्दा फरवरी महीना ताई अठे रूके हैं

.....

000

राजस्थान स्टेट गैस लिमिटेड—आरएसजीएल सीएनजी टेशनां माथे हिफाज़त ऊं जुड़्या मानकां री करड़ाई ऊं पालना करण रा हुकम दीना हैं आरएसजीएल रा प्रबंध निदेशक रणवीर सिंह कोटा, नीमराणा अर कूकस रा टेशनां माथे खास सावचेती राखण बाबत् कह्यो हैं वे लोगां ऊं दीवाळी रा जश्न रे दौरान पटाखा चलाती बगत गैस पाइपलाइन ऊं दूर रेहवण री अपील कीनीं गैस रिसाव या अनहोनी रा हालात मांय मुफ्त नंबर 18001806135 माथे जाणकारी दी जा सके हैं

000

दीवाळी रे मौके राज्य मांय न्यारी—न्यारी ठोड़ां रौनक निजर आवण लागी हैं डीग रा बाज़ारां अर मिन्दरां ने रंग—बिरंगी रोशनी ऊं सजाया जा रह्या हैं देवस्थान विभाग रा सहायक आयुक्त बतायो के महकमा री ओर ऊं मिन्दरां मांय खास महाआरती अर भक्ति संगीत सरीखा खास धार्मिक अर सांस्कृतिक कार्यक्रम राख्या जावेलां लक्ष्मण मंदिर समेत न्यारा—न्यारा मिन्दरां मांय जातरूआं री भागीदारी ऊं सामूहिक तौर ऊं दिया जळा र **“एक दीप सबके लिए”** रो संदेश दियो जावेलां

000

जयपुर ग्रेटर नगर निगम दीवाळी रे मौके शहर री सफाई व्यवस्था बेहतर बणावण सारू क्विक रेस्पॉन्स टीम बणायी हैं मिशन मोड माथे चलाया जा रह्या ई खास सफाई अभियान सागे ई विद्युत शाखा ई लारला महीना सात हजार आठ सौ ऊं बत्ती शिकायतां रो निपटारो कीनों

000

प्रधानमंत्री नरेन्द्र मोदी ई महीना री 26 तारीख ने आकाशवाणी ऊं प्रसारित कर्या जावण वाळा खास कार्यक्रम “मन की बात” मांय विचार बतावेलां आ ई कार्यक्रम री 127वीं कड़ी व्हेलां ई सारू आप ई मुफ्त नम्बर 1800-11-7800 माथे सुझाव भेज सको हों ई रे अलावा नरेन्द्र मोदी एप अर माय जीओवी ओपन फोरम रे जरिये ई विचार भेज्या जा सके हैं भी विचार भेजे जा सकते हैं आप 24 अक्टूबर ताई राय भेज सको हों ओ कार्यक्रम आकाशवाणी अर दूरदर्शन रा पूरा नेटवर्क, आकाशवाणी समाचार री वेबसाइट अर न्यूज़ ऑन ए आई आर मोबाइल एप माथे ई प्रसारित कर्यो जावेलां मन की बात कार्यक्रम रो प्रसारण आकाशवाणी समाचार, डीडी न्यूज़, प्रधानमंत्री रा दफ्तर अर सूचना अर प्रसारण मंत्रालय रा यू-ट्यूब चैनलां माथे ई कर्यो जावेलां

000

जयपुर रा ज़िला कलेक्टर डॉ. जितेन्द्र कुमार सोनी सिंयाळू साखां सारू किसानां ने पूरी ईमानदारी ऊं खाद बाँटण रा हुकम दीना हैं अतिरिक्त जिला कलेक्टर मुकेश कुमार मूण्ड ने ई काम रा प्रभारी बणायी ज्या हैं प्रशासन रे मुजब अक्टूबर महीना मांय यूरिया अर डीएपी खाद मांग ऊं बत्ती तादाद मांय मौजूद हैं किसानां ने डी.ए.पी. री ठोड़ एसएसपी या एनपीके सागे यूरिया काम लेवण री राय दीरीजी हैं

000

नगरीय विकास मंत्री झाबर सिंह खर्षा आज करौली ज़िला रा हिण्डौन सिटी मांय लगायी ज्या शहरी सेवा शिविरां रो दौरा कीनों वे शिविरां मांय जनता ने मिल रही सेवावां रो जायज़ो लीनो अर अहलकारां ने सरकारी योजनावां रो फायदो पात्र लोगां ताई पूगावणो तैय करण रा हुकम दीनां ई दौरान, शिविर मांय प्रधानमंत्री आवास योजना रा पात्र लोगां ने चैक अर आवासीय पट्टा दिया ज्यां

000